



ՄԱՆԿԱԿԱՆԺԱԿԱՆ ՀԱՄԱԼՍԱՐԱՆ

5 ՄԱՐՏԻ
2025 թ.
№ 3 (1140)

Թերթի առաջին համարը լույս է տեսել 1965 թ. մարտի 11-ին
Երկշաբաթաբեր • Իրատարակման 57-րդ տարի

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱԿԱՆՔԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

ԳԻՏԱԿԱՆ ԽՈՐՀՐԴԻ ՆԻՍՏՈՒՄ

Մանկավարժական համալսարանի Գիտական խորհրդի հերթական նիստը հազեցած օրակարգ ուներ. բուհի ռեկտոր Սրբուհի Գևորգյանը նախ շնորհավորեց ամսվա հոբելյարներին, հանձնեց դոցենտի և պրոֆեսորի վկայականներ, ամբիոնների վարիչների փակ գաղտնի ընտրություն, գիտական կոչումների հավակնորդների հաստատում, Մանկավարժական համալսարանում գիտահետազոտական և իրատարակչական աշխատանքների կազմակերպման գործընթացի մասին զեկուցում, ընթացիկ այլ հարցեր:

Ըստ օրակարգային առաջին հարցի փակ գաղտնի քվեարկությամբ անցկացվեց Մաթեմատիկայի և նրա դասավանդման մեթոդիկայի, Ռեժիսուրայի ամբիոնների վարիչների ընտրություն, որից առաջ Բնագիտական մասնագիտությունների գծով հանձնաժողովի նախագահ Մեժլում Երիցյանը և Մշակութային մասնագիտությունների գծով հանձնաժողովի նախագահ Գևորգ Թադևոսյանը ներկայացրին առաջադր-



ված թեկնածուների գործունեությունը: Այնուհետև Մաթեմատիկայի և նրա դասավանդման մեթոդիկայի ամբիոնի վարիչի պաշտոնակատար, ֆիզմաթ գիտությունների դոկտոր, պրոֆեսոր Լուսինե Դուլդազարյանը և ռեժիսուրայի ամբիոնի վարիչի պաշտոնակատար Ար-

մեն Էլբակյանը ներկայացրին իրենց ծրագրային դրույթներն առաջիկա տարիների իրենց գործունեության վերաբերյալ: Փակ գաղտնի ընտրությամբ վերջիններս ընտրվեցին համապատասխան ամբիոնների վարիչներ:

Ռեժիսուրայի և Երաժշտության ամ-

բիոնների պրոֆեսորների թափուր պաշտոնների համար Գիտական խորհրդի անդամները հաստատեցին առաջադրված Արդա Դովհաննիսյանի և Դասմիկ Լեյլոյանի թեկնածությունը:

Փակ քվեարկության արդյունքում՝ մանկավարժական գիտությունների թեկնածուներ Սևադա Սարգսյանն ընտրվեց պրոֆեսորի, իսկ Անժելա Մինասյանը՝ դոցենտի պաշտոններում:

Գիտական խորհուրդը հաստատեց նաև Գիտական և ուսումնամեթոդական հարցերի հանձնաժողովի գործունեությունը, որը ներկայացրեց նախագահ Մարիամ Իսպիրյանը, այնուհետև պրոռեկտոր զեկուցեց Մանկավարժական համալսարանում գիտահետազոտական և իրատարակչական աշխատանքների կազմակերպման գործընթացի մասին:

Ուսումնագիտական գծով պրոռեկտոր Մարիամ Իսպիրյանը ներկայացրեց 2024 թվականին իրականացված գիտահետազոտական աշխատանքների արդյունքները, ինչպես >2

Անելիքները շատ են, փիրույթը՝ հեղափոխիչ

ՀՊՄՀ ռեկտոր Սրբուհի Գեվորգյանը մարտի 3-ին ՀԱՆՊՊԵՃ ԱՄՊԻՐԱՆՏՆԵՐԻ և ՀԱՅՊՊՈՒՆԵՐԻ ՀԵՏ



Ռեկտորը շնորհակալություն հայտնեց նրանց՝ հետագա մասնագիտական, իմացական պահանջները ուղիորդ մանկավարժության, հոգեբանության և դասավանդման տիրույթում ընտրելու համար. «Վստահ եմ՝ ձեզ հետ յուրաքանչյուր ընտրելով այս երեք հիմնական ուղղությունները, այն է՝ մանկավարժական գործընթաց, հոգեբանական իմացություն մասնագիտական տիրույթում, դասավանդման մեթոդիկայի հնարներին տիրապետելու անհրաժեշտություն, կարևորել եք՝ հասկանալով, որ հասարակության տիրույթում ինչ արժեքահամակարգ էք ձևավորում և թե ինչ հաջողություններ էք գրանցելու:

Կապ չունի, թե դուք ապագայում ում եք ձևավորելու, որ ուղորտն էլ վերցնենք, ուսուցչի կարողություններով պայմանավորված, մենք ունենալու ենք ապագա մասնագետի ձևավորման, զարգացման արժեքահամակարգ այն նվաճումները, որոնցով կհաջողենք կամ ոչ»:

Սրբուհի Գևորգյանը փաստեց՝ թերևս չկա որևէ արդի հետազոտություն այսօրվա փուլում, քան գիտակցել ու հասկանալ՝ ում ենք մենք կրթում, ովքեր են այդ աշակերտները և ինչով են տարբերվում նախորդ սերնդի աշակերտներից, որոնք են հոգեբանական անհատական տիպաբանական այն առանձնահատկությունները, որով տվյալ սերունդը

տարբերվում է մյուսից:

Սրբուհի Գևորգյանը խոսեց ներկա սերնդի երեխաների մասին՝ ընդգծելով, թե որքան խելացի ու բանիմաց են, որքան ուժեղ են, բայց միևնույն ժամանակ թույլ, զգացմունքային ու խոցելի: Նա մեջբերեց ամերիկյան մասնագիտական մի կենտրոնի ուսումնասիրությունների արդյունքները տարաբնույթ դրսևորումներով ընդգծվող ներկա սերնդի մասին:

Ներկա սերնդի մասին խոսելիս ռեկտորը նկատեց՝ մոր սերնդի երեխաները նրանք են, որոնց ծնողներն ամբողջովին ձևավորվել են տեխնոլոգիաների տիրույթում: Եվ այդ համատեքստում ընդգծեց ամերիկյան կրթական դաշտի հետազոտականությունը ագրեսիայի հիմնախնդրի վերաբերյալ և փաստեց, որ ուսուցիչների հետ ֆոկուս խմբեր ձևավորելիս՝ ագրեսիայի դրսևորման առանձնահատկությունների խնդիրը տարբեր տարիքային խմբերում անանցքային է դիտվում:

«Մարդը բնության պսակն է, թե՞ ճշմարիտ են այն խոսքերը՝ որքան ճանաչում են մարդկանց, այնքան շատ են սիրում կենդանիներին: Այնուամենայնիվ ո՞վ է մարդը, ի՞նչ հիմնական սոցիալական ձեռքբերում է նա ունենում, որո՞նք են մարդու մեջ մարդկայինը պահպանելու և կրթական ուղիորտում որպես արժեքահամակարգ ձևավորելու այսօրվա մարտահրավերները: Ինչպե՞ս անել, որ կրթական համակարգում այլ անհատականությունների վարքը բավարար անդրադառնա յուրաքանչյուր աշակերտի վրա», - այս և շատ այլ հարցեր բարձրացրեց ռեկտորը, հարցեր, ո-

րոնց պատասխանները դեռևս չկան:

Սրբուհի Գևորգյանն անդրադարձավ աշակերտի վարքի և ուսուցչի հեղինակության փոփոխություններին: Դասագանցն այսօր շատ բան է փոխել մարդկանց կյանքում՝ սեփական կրթական ծրագիրը նախագծելու կարողության հնարավորություն ստեղծելով: Դոգ չէ, թե մենք հոգեբանական մի շարք խնդիրների ենք բախվում, երեխան իրեն ինքնաբավ է զգում վիրտուալ տիրույթում:


Տեխնոլոգիաներն արդեն մեր >2

ՉՆԾԱՂԻԿ

Չմռան ու գարնան անվախճան կըլում, Որտեղ ջերմ շունչն իր առևում է հողին, Հանց հաղթանշան, մոտերի նման, Վառում է գարունն անթիվ ձնեաղիկ:

Տեսնում է ձմեռն ու հուզվում է շատ եվ լաց է լինում նորից ու նորից, Որ լույս ծաղիկն այդ գարնան դրոշակ, Աշխարհ է գալիս իր արցունքներից:

Երվանդ ՊԵՏՐՈՍՅԱՆ
ՀՊՄՀ 1958-1963 թթ.
Չղջանավարտ





ԳԻՏԱԿԱՆ ԽՈՐՀՐԴԻ ՆԻՍՏՈՒՄ



➤1 նաև 2025-ին նախատեսվող գործընթացները՝ ընդգծելով ոլորտում բուհի առաջընթացի դինամիկան:

Պրոռեկտորն անդրադարձավ ՀՀ Բարձրագույն կրթության և գիտության պետական կոմիտեի կողմից ֆինանսավորվող ծրագրերին բուհի մասնակցությանը, ձևավորված ինստիտուտներին. առաջիկայում Լեզվաբանական

հետազոտությունների գիտական լաբորատորիան էլ կվերանվանվի և գործունեություն կծավալի որպես Մանկավարժաճանապարհի հետազոտությունների գիտական լաբորատորիա:

Ս. Իսախյանն անդրադարձավ թեմատիկ և նպատակային ֆինանսավորվող ծրագրերին, միաժամանակ թվերի վիճակագրությամբ՝ այլ կարևոր

հարցերի և:

Նա ներկայացրեց նաև համալսարանի պրոֆեսորադասախոսական կազմի, գիտաշխատողների, ասպիրանտների և հայցորդների հրատարակված հոդվածների թիվը, միջազգային ցիտավորման ամսագրերում հրատարակումների 2019-2024 թվականների համեմատական աղյուսակը՝ փաստե-

լով, որ բուհը ձգտում է ընդգրկվել բուհերի վարկանիշավորման QS շարքում:

Գիտական խորհուրդն անդրադարձավ նաև գիտական կադրերի ատեստավորման նոր կարգին, բուհի 7 գիտական համոթեսներին, մասնագիտական խորհուրդների գործունեությանը, վերապատրաստումներին:

Անելիքները շատ են, փրույթը՝ հեպարրի



➤1 կյանքի բաղկացուցիչ մասն են, և երեխայի ստանդոլության սոցիալական տիրույթը փոխվել է, որի հուզական զգացմունքային դրսևորումները բոլորովին այլ են, որի ապրումակցման ամբողջ գործընթացը կոնկրետ փոփոխությունների է ենթարկվել:

Դիմելով հայցորդական համակազմին՝ ռեկտորը խոսեց տարբեր ոլորտներում տարբեր փոխներգործությունների մասին, որի ընթացքում շատ խնդիրների կբախվեն: Այնուամենայնիվ, ռեկտորը

փաստեց, որ վերջիններս հետաքրքիր ոլորտ են եկել, որը կօգնի նաև իրենց՝ ճանաչելու սեփական հոգեկանը ռեֆլեքսիայի ենթարկելու և այդ ռեֆլեքսիան որպես մասնագիտական ձեռագրաբանություն փոխանցելու տարբեր տիրույթներ՝ նախադրոցականից մինչև բարձրագույն մանկավարժական կրթություն:

Սրբուհի Գևորգյանը հայցորդներին հորդորեց դասընթացների ընթացքում հանդես գալ ակտիվ հարցադրումներով, որովհետև երբեմն «մեր լռությունը կարող է մեր իսկ դեմ լինել»:

Անելիքները շատ են, տիրույթը՝ հետաքրքիր՝ վստահեցրեց Սրբուհի Գևորգյանը՝ հույս հայտնելով, որ հայցորդների թեզերը իրապես կնպաստեն ոչ միայն նրանց իմացաբանական պահանջմունքների բավարարմանը, այլև կգործեն երեխայի մերօրյա այն պրակտիկ խնդիրների ու մարտահրավերների շրջանակում, որն այսօրվա երեխայի անհատականության ձևավորման ու

հասարակության արժեհամակարգի խնդիրների ձևավորման կարևորագույն ձեռքբերում կլինի:

Ուսումնագիտական գծով պրոռեկտոր Մարիամ Իսախյանը և ՀՊՄՀ Գիտահետազոտական կենտրոնի տնօրեն Կամո Վարդանյանը շնորհավորեցին ասպիրանտներին և հայցորդներին գործընթացն սկսելու կապակցությամբ և ուրվագծեցին առաջիկա անելիքները:

Սիլվա ԱՍՐՅԱՆ


Մասնակցեցին աշխատանքային փաթեթի քննարկմանը

Երազմուս-ի «Արժեքներին միտված կրթության խթանումը Հարավային Կովկասի բուհերում» PROVE նախագծի շրջանակում մեկնարկել է 2-րդ աշխատանքային փաթեթի քննարկումները: ՀՊՄՀ-ից մասնակցում են Աշխատակազմի և միջազգային համագործակցության գծով պրոռեկտոր Մարիամնա Հարությունյանը, Աշխարհագրության և նրա դասավանդման մեթոդիկայի ամբիոնի դոցենտ Մարինե Մաթոսյանը, Կիրառական հոգեբանության ամբիոնի վարիչի պաշտոնակատար Մարիամնա Ավետիսյանը, Միջազգային համագործակցության և ծրագրերի կառավարման կենտրոնի գլխավոր մասնագետ Գոհար Առաքելյանը:

Աշխատանքային փաթեթի շրջանակում մշակվելու է մեկ ընդհանուր և յոթ հատուկ դասընթացներ գործընկեր համալսարանների ուսանողների և մեկական դասընթաց՝ ուսուցիչների վերապատրաստման համար:

Աշխատանքներն իրականացնելու համար ձևավորվել է 6 աշխատանքային խումբ. մշակվելու է վերոնշյալ դասընթացների գործողությունների պլանը:

Հիշեցնենք, որ եռամյա ծրագրի համակարգողը Վրաստանի Թելավի պետական համալսարանն է: Նախագծի հիմնական նպատակը ՀՀ և տարածաշրջանային բուհերում արժեքներին և գիտելիքին միտված կրթության (VaKe) զարգացումն է: Կարիքների գնահատման նպատակով կիրականացվի քանակական և որակական հետազոտություն, վեր կհանվեն դասավանդման և ուսումնառության ընթացքում դասավանդողների կիրառող մեթոդները, մոտեցումների հիմնական խնդիրները:





ԱՆԴՐԱՆԻԿ

160



ԱՆԴՐԱՆԻԿԻ ՄՏՔԵՐԻՑ

Ամեն օր ձեր գլուխը բարձին դնելուց ու քնելուց առաջ հիշեք, թե այդ օրը ի՞նչ եք արել ձեր ազգին համար:

Ամեն հայ, եթե միմիայն իր համար ապրելու մասին չնտածեր, մեր աղետների մեծ մասը պակաս կլիներ:

Իմ կուսակցությունն իմ ազգն է:

Մարդ կարող է հարյուր տուն ունենալ, բայց միայն մի Օջախ:

Եթե կուզեն ինձ պատիվ անել, ես իմ արծառը չեմ ուզում, փառավոր թաղում չեմ ուզում: Թող հայ ժողովուրդը կանգնեցնի ավերակ դարձած Առաքելոց վանքը և այնտեղ փոքրիկ ուսումնարան կառուցի հայ մանուկների համար: Այս է իմ ամբողջ բաղձանքս և բարոյական պահանջս հայ ժողովրդից:

Ես իմ կյանքում երբեք չեմ ձգտել անձնական երջանկության ու բարօրության: Ես մշտապես ձգտել եմ միայն մի բանի և պայքարել եմ միայն մի բանի՝ իմ հարազատ ժողովրդի ազատության և բարեկեցության համար: Ես չեմ փնտրում իմ վաստակի գնահատականը և ցանկանում եմ միայն այն, որ երջանիկ լինի այն ժողովուրդը, որին ես ծառայում եմ ամբողջ կյանքում:



ՀԱՌՐՇԱՎՈՐՈՒՄ ԵՆՔ

Հայաստանի գրողների միությունը միության անդամ տարբեր գրողների 2024 թ. ամենամյա մրցանակների է արժանացել:

Հպարտությամբ մշուն ենք, որ ՀՀ ԳԱԱ թղթակից անդամ, Խ. Աբովյանի անվան ՀՀՄՄՀ հայ հին և միջնադարյան գրականության և նրա դասավանդման մեթոդիկայի ամբիոնի վարիչ, Բ.Գ.Բ., պրոֆեսոր Աելիտա Դոլուխանյանին և մրցանակ է շնորհվել. պրոֆեսորն արժանացել է «Հովհաննես Թումանյանի անվան» մրցանակի:

Շնորհավորում ենք պրոֆեսոր Աելիտա Դոլուխանյանին և մաղթում նորանոր հաջողություններ ու ձեռքբերումներ:

ՄԱՐՏԻ 5-Ը ՎԱՋԳԵՆ ՍԱՐԳՍՅԱՆԻ ԾՆԴՅԱՆ ՕՐԸ Է ՎԱՋԳԵՆ ՍԱՐԳՍՅԱՆ

Այս երկիրը համընդհանուր սիրո երկիր է



Այս երկիրը անտրամաբանական սիրո և անտրամաբանական ատելության երկիր է: Ես երջանիկ մարդ եմ, որովհետև ինձ պատիվ ընծեռվեց իրականացնել այն երազանքները, որպիսիք փայփայում էինք գրողներս, լրագրողներս: Բայց դա բախտի բան չէ, ես եմ ընտրել իմ ճանապարհը:

Յուրաքանչյուր ժողովուրդ՝ լինի 3 միլիոնանոց, թե 300 միլիոնանոց, միշտ իր միջից կարող է հանել այնքան մարդ, որոնք կարող են երկիրը պահպանել:

Այս երկիրը բառերով սիրվող երկիր չէ, նաև հեռադիտակով դիտվող երկիր չէ, քարի հետևում քար կա, մշուշի ետևում՝ մշուշ:

Ինձ չեն հասկանում: Ինձնից վախենում են: Իրենց համար արջի կերպար են ստեղծել ու իրար վախեցնում են: Մեկ-մեկ ես էլ եմ վախենում, որ չեմ հասցնի, ժամանակ չեմ ունենա, ցանկություն չեմ ունենա, չգիտեմ էլ ինչ չեմ ունենա ժողովրդին ասելու՝ այ՝ ժողովուրդ, իրար հասկանանք, ճիշտ հասկանանք իրար:

Ես Աստված չեմ, ես զինվոր եմ, ես հայ եմ: Ամեն մարդ ինքն իր առաջ պիտի պատասխան տա՝ ո՞վ է ինքը:

Թշնամուղ ուժեղացնողը թո՛ւ վախն է, թո՛ւ ցավն է, թո՛ւ հիմարությունն է:

Ոչ մի ծրագիր, որքան էլ այն փայլուն լինի, չի կարող իրականություն դառնալ, եթե չկա հավատք, նպատակին հասնելու համախմբվածություն, եթե մեզանից յուրաքանչյուրը չի նտածում, որ այս երկրի ճակատագիրը կախված է մի մարդուց, և այդ մարդն ինքն է:

Ես աշխարհում ամենից շատ սիրում եմ ծերերին և երեխաներին, այդ երկուսն են անպաշտպան:

Մենք ընտիր-ընտիր հպատակ ենք, մենք խելոք-խելոք կատարող ենք, մենք հայտնագործություն ենք ուրիշի ձեռքի տակ: Հայ մարդ, հիմա ուրիշը դու ես: Քո ուրիշը դու ես: Այս երկրի սահմանները գծվում են արյամբ և ամրանում քրտինքով:

Դարերի մեռած պատմությունը թափ տվեք ձեր հոգուց, մի մեռեք ձեր տան մեջ: Ձեր հոգու մեռելներին թողեք: Ես երկիրը ձերը չէ, դուք գալիս-անցնում եք, ձերը ես երկրի սիրտը պահելն է: Սիրտը:

Բանակն ազգի ինքնաճանաչման հայելին է, բոլոր հայերի ծնունդն է, հայության հավաքական կերպարն է, նրա պատասխանատվությունը, նրա պատմության վերագնահատումը և հայացքը ապագային: Միտում խոսքեր չեմ ասում, ընդամենը ճշմարտությունն եմ ասում: Ավելի լավ է մեկ սո՛ւմ վառել, քան հավերժ բողոքել խավարից:

Այս երկիրը բառերով սիրվող երկիր չէ, անհատական սիրո երկիր չէ: Այս երկիրը համընդհանուր սիրո երկիր է:

Մենք այս պետության պատասխանատուներս չպետք է թույլ տանք, որ **Անկախությունը, Ազատությունը, Հաղթանակը** ժողովրդի համար դառնան սովորական գաղափարներ:

Աշխատանքային այց Իսպանիայի Վալլադոլիդի համալսարան

Փետրվարի 24-26-ը ՀՀՄՄՀ «Բնագիտություն, տեխնոլոգիա, ճարտարագիտություն և մաթեմատիկա» գերազանցության կենտրոնի ծրագրի շրջանակներում Ինֆորմատիկայի և դրա դասավանդման մեթոդիկայի ամբիոնի վարիչ Արթուր Թադևոսյանը, Կենսաբանության, քիմիայի և նրանց դասավանդման մեթոդիկայի ամբիոնի վարիչ Սամվել Պիպոյանը, Մաթեմատիկայի և նրա դասավանդման մեթոդիկայի դասախոս Անժելա Մինասյանն ու Ֆիզիկայի և նրա դասավանդման մեթոդիկայի ամբիոնի ասիստենտ Անուշ Դանիելյանն Իսպանիայի Վալլադոլիդի համալսարանում էին:



ԲՏՃՄ՝ ինֆորմատիկա, ֆիզիկա, մաթեմատիկա, կենսաբանություն ու լորտները ներկայացնող մասնագետների այցի նպատակն էր ուսումնասիրել արտերկրի առաջավոր բուհերում համանման կենտրոնների գործունեությունն ու կուսակաժ փորձը՝ Գերազանցության կենտրոնի գործունեությունն առավել արդյունավետ դարձնելու համար:

Այցի շրջանակներում ՀՀՄՄՀ պատվիրակները ծանոթացան Վալլադոլիդի համալսարանի կառուցվածքին ու առանձին կրթության, գիտության, բժշկության, փիլիսոփայության և պատմության, տեղեկատվական տեխնոլոգիաների ֆակուլտետների տեղաբաշխվածությանը: Այնու-

հետև, կրթության ֆակուլտետի վարչական աշխատակիցները ՀՀՄՄՀ պատվիրակներին ներկայացրին ֆակուլտետում իրականացվող կրթական ծրագրի առանձնահատկությունները:

«Կրթական ծրագրում հիմնական ժամաքանակը հատկացված էր մանկավարժական առարկաներին, դասավանդման մեթոդիկաներին ու դիդակտիկ նյութերի պատրաստմանը: Այստեղ ուսանողներին սովորեցնում էին, թե ինչպես սովորեցնել՝ «teach how to teach»: ԲՏՃՄ առարկաների մեջ այս համալսարանում ընդգրկված են նաև արվեստի ոլորտի (նկարչություն, երաժշտություն) առարկաներ: Արդյունքում՝ ԲՏՃՄ (STEM) կոչվում է ԲՏՃՄՄ (STEAM)», - նշեց Արթուր Թադևոսյանը:

ՀՀՄՄՀ ներկայացուցիչները եղան նաև Վալլադոլիդի համալսարանի Սեզովիայի մասնաճյուղում, որտեղ ուսուցիչներ են պատրաստում տարրական դպրոցների համար: Մասնավորապես՝ տարրական դասարաններում STEAM առարկայի միջոցով իրականացվում են բնապահպանական նախագծեր, որոնք վերաբերում են կլիմայական փոփոխություններին:

Մակցելու STEAM առարկայի գործնական պարապմունքին, որտեղ ուսանողները խմբային աշխատանք էին կատարում «Ինչ անել, որ ինքնաշեն թռչող սարքն անցնի ավելի երկար ճանապարհ» առաջադրանքի շուրջ:

Վալլադոլիդի համալսարանում ՀՀՄՄՀ պատվիրակները մասնակցեցին նաև FERTILE հարթակի միջոցով STEAM առարկայի շրջանակում նախագծային աշխատանքների իրականացման վերաբերյալ կազմակերպված սեմինարին:

Նրանք եղան նաև Վալլադոլիդի համալսարանի քիմիական լաբորատորիայում, ծանոթացան նախագծի, որի նպատակն էր կրթության մեջ գիտության և սոցիոլոգիայի ինտեգրումը:

Այցելություններ եղան նաև Վալլադոլիդի համալսարանի ռեկտորատ, գիտական և կրթական ժամանակակից հագեցվածություն ունեցող տարբեր լաբորատորիաներ, որտեղ տեղի ուսանողները հնարավորություն ունեին իրականացնելու իրենց գիտական ուսումնասիրություններն ու հետազոտությունները:

Վալլադոլիդ կատարած այցի շրջանակներում Մանկավարժական պատվիրակները հյուրընկալվեցին նաև կաթոլիկ դպրոցում (School Nuestra Señora de Lourdes), համդիպեցին և քննարկումներ ունեցան դպրոցի տնօրենության հետ:

ՀՀՄՄՀ պատվիրակները վստահ են՝ վերոնշյալ այցելություններից, քննարկումներից և սեմինարներից ստացված փորձը կօգնի հետագայում մշակել ՀՀՄՄՀ գերազանցության կենտրոնի ուսումնական մասի բովանդակությունը՝ ԲՏՃՄ ուղղությամբ կրթական ծրագրերի վերանայման, վերապատրաստման մոդուլների մշակման գործում:



Մրացան մանկավարժի հավասարագրեր

Մանկավարժական համալսարանում «Մանկավարժաժողովրդական ու ուսումնամեթոդական հնտություններ ապահովող մոդուլներով իրականացվող 30 կրեդիտի միջոցով մանկավարժի հավասարագրման» կրթական ծրագրի դասընթացների մասնակիցներին փետրվարի 28-ին հավասարագրեր հանձնեց Ուսումնական գործընթացների հարցերով պրոռեկտոր Նաիրա Սաֆարյանը:



րոշման համար:

Նաիրա Սաֆարյանը մշեց՝ գործընթացը շարունակական է, անելիքները՝ շատ. «Համարեք, որ այս դասընթացը Մանկավարժա-

կան համալսարանի հետ համագործակցության սկիզբն է միայն: Մասնագիտական գործունեություն ծավալելիս տարբեր շրջափուլերում պարբերաբար առնչվելու եք բուհի հետ. մշտապես պատրաստ եմք պատասխանել բոլոր հարցադրումներին և աջակցել: Դուք մեր մեծ ընտանիքի լիիրավ անդամն եք. մաղթում եմ մեծ հաջողություններ», -ասաց պրոռեկտորը:

Պրոռեկտորն անկեղծացավ՝ արդեն մի քանի տասնամյակ զբաղվում է մանկավարժությամբ. ոչ մի րոպե չի ափսոսում կատարած ընտրության համար: Իր գործունեության ընթացքում չի դադարել հավատալ ֆիզիկայի օրենքներին. դրանք բնության օրենքներ



են, որ երբեք չեն խախտվում: Այսօր էլ, բազմադարյուն իրականությունում, կրճատվող մանկավարժի մասնագիտությունը. «Ինչ սիրով, նվիրումով և հարգանքով վերաբերվեք աշակերտին, քո աշխատանքին, նույն արձագանքը ֆիզիկայի օրենքի համաձայն կվեր-

դառնա քեզ», -մշեց Նաիրա Սաֆարյանը:

Նա վստահ է՝ դժվար ժամանակներում անգամ, երբ ուսուցչին և դպրոցին ուղղված են բազմաթիվ քննադատություններ, հնարավոր է առողջ սերնդափոխություն:
Սարին ԱՂԵՎՅԱՆ



Թող նրա օրինակը դառնա ձեր ապրելու կերպը

Մանկավարժական համալսարանի Կուլտուրայի ֆակուլտետի լրագրության բաժնի 1-ին կուրսի ուսանող Վոլոդյա Միերի Աբրահամյանը մասնակցեց Արցախի սեպտեմբերյան հերոսամարտին: Իշխանասարի ամենաբարձր դիրքերում 25 զինվոր, որոնց թվում էր և Վոլոդյան, անհավասար մարտում մինչև վերջին շունչը պայքարեց՝ սպասելով օգնության, որն այդպես էլ չհասավ... 25 զինվոր այդ ճակատագրական օրը զինվորագրվեց երկնքին...

Վոլոդյայի կուրսը մի քանի ամսից ավարտում է, իսկ կուրսի ավագ Վոլոդյան հա-


կեղեցու հայտնի աստվածաբաններից մեկն ասում է. «Նահատակների արյունը եկեղեցու սերմն է: Ուրիշ թարգմանությամբ ասում են՝ նահատակների արյունը եկեղեցու քարերն են»: Եվ իսկապես դրա մեջ մեծ ճշմարտություն կա: Նահատակները, հեռանալով մեզից, դառնում են Աստծո բարեխոս մնացողների համար: Մենք չենք կարողանում հասկանալ, թե ինչքան մեծ դեր ունի մեր սրբերի՝ մեզ համար նահատակվածների խոսքը Աստծո մոտ»:

Նա երիտասարդներին հորդորեց՝ աղոթել հայրենիքի և ազգի փրկության համար, քանզի «Վոլոդյան և մյուսները համալրել են Աստծո բանակը: Մեր գոյության համար մեծ դեր են կատարում նա և մյուս տղաները, որ զոհվել են: Կյանքը տրված է հայրենիքը փրկելու համար, և կյանքն արժեք չունի, եթե այն հայրենիքի ու հավատի համար չի, ազգի համար չի»:

Կուրսեցիներով պատրաստել էին մի տեսանյութ, որն առանց հուզմունքի հնարավոր չէր դիտել: «Նրանցից մեկը. Վոլոդյա Աբրահամյան» խորագրով տեսանյութում ընդգծված էր Վոլոդյայի անհատականությունը և այն արժեքները, որ նա կրում էր իր մեջ. Վոլոդյա Աբրահամյան՝ միշտ ներկա մեր լսարանում, մեր կյանքում և աղոթքներում: Այսօր, վաղը և միշտ: Պատիվ ունենա՞,-բոլոր կուրսեցիների ամուսնից ամփոփեց հերոսի կուրսընկերուհին:

«Մեզ համար պատիվ է ներկայացնել մեր հերոս գործընկերոջը, և ես մեկ անգամ վերապրել այն գեղեցիկ ուսումնական շրջանը, որ կիսել ենք նրա հետ: Վոլոդյայի մտավոր հատկանիշները նրան առանձնացնում էին բոլորից, և մենք վստահ ենք, որ նա կդառնար լավ լրագրող և հաղորդավար, եթե կարողանար շարունակել այդ ուղին: Ցավովք 2022 թվականի սեպտեմբերի 13-ին թշնամու կողմից սանձազերծված ագրեսիայի հետևանքով Իշխանասարի բարձունքում զոհվեց մեր ընկերը», -ներկայացրեց կուրսընկերուհին:

Քաջ զինվորը զոհվեց հայրենիքի համար՝ ուսանողական շաբթերը կիսատ թողնելով: Բայց նրա հիշատակը և գործը միշտ



ուղեկցելու են կուրսընկերներին, որոնք կյանքի դժվար պահերին զգում են հերոսի ներկայությունը իրենց կյանքում:

Տեսաֆիլմում Վոլոդյայի մայրը վերհիշում էր՝ կապույտ աչքերով, պայծառ ու ժպտուն հայացքով իր տղան շտապում էր ապրել, ամեն ինչ հասցնել: Շտապեց նաև հասնել հայրենիքի սահմանները՝ երկրի համար այնքան օրհասական պահին:

Վոլոդյայի մոր և տատիկի ներկայությունը ֆակուլտետի լսարանում ավելի քան խոսում էր, բոլոր հնչած խոսքերում արժևորվում էր հերոս տղայի կյանքի օրինակը:

Ելույթ ունեցավ ՀՊՄՅ Ուսումնական գործընթացների հարցերով պրոռեկտոր Նաիրա Սաֆարյանը: «Վոլոդյան համալսարանի ավագ դպրոց-վարժարանի սան է եղել, պայծառ ժպիտով ու հայացքով մի աշակերտ, որ առաջին իսկ օրից իր տեղն ամրագրել էր մեր սրտի մի անկյունում: Մեծ ցավ ապրեցինք՝ իմանալով նրա մահվան մասին: Նա մեր սրտերում, հուշերում հենց այսպիսին էլ կա», - ասաց պրոռեկտորը՝ նայելով լսարանի մի անկյունից ժպտացող պայծառ հայացքով Վոլոդյայի նկարին:

«Մեծ կորուստները ցավ են ու կսկիծ, բայց նաև խորհուրդ են. Վոլոդյան իր գործն արել է արդեն և երկնային բանակի

զինվոր է արդեն: Նման ապրելու կերպը, նման խորհուրդները պետք են ապրողներին, պետք են ձեզ: Ուզում եմ, որ դուք գիտակցեք ոչ միայն այդ կորուստը, այլև փորձեք ապրել այդ խորհրդին՝ նրա կատարած սխրանքին արժանի ձևով: Նա հայրենիքի համար գնաց: Թող նրա օրինակը դառնա ձեր հավատամքը, ձեր ապրելու կերպը: Դուք Վոլոդյայի արժանի ընկերներն եք: Ձեր ընկերոջ հիշատակը պահելով՝ դուք ավելի կիմաստավորեք ձեր կյանքը», -կուրսընկերներին դիմեց Յեռուստակրագրության ամբիոնի վարիչ Լևոն Գալստյանը:

«Նա այնքան նպատակասլաց էր, ավագ, որ կուրսին կարող էր տանել իր հետևից», -ասաց կուրսիցի Արթուր Բաղդասարյանը՝ հայրենիքի համար նահատակվելու պատրաստ անձ դաստիարակելը համարելով մեծագույն շնորհ և առաքելություն բոլոր ազգերի համար:

Ամիսներ անց լրագրողների այս խումբը հրաժեշտ կտա համալսարանական կյանքին, կծավալի մասնագիտական գործունեություն: Արթուր Բաղդասարյանը փաստեց՝ այդ ճանապարհին գալթակցություններ շատ կլինեն, սակայն Վոլոդյան և մյուս հերոսները պետք է լինեն այն համեմատելի սանդղակը, որը միտված է լինելու ուսանողների անկեղծության, մասնագիտական պարտքի, հայ ազգային ինքնության, ծնողների ու պապերի ժառանգության արժևորմանը»:

Նա հերոսի կուրսընկերներին հորդորեց ակամջալուր լինել Հրանտ Մաթևոսյանի խոսքին՝ հիշողությունը ընկած է մարդու և անասունի արանքում. միշտ պահեք ձեր հիշողությունը, միշտ հիշեք բոլոր նրանց, ովքեր նահատակվեցին:

«Լրագրությունը մեծ առաքելություն է, - ասաց Ս. Թովմա քահանա Անդրեասյանը՝ ավստասլով, որ Վոլոդյային չհաջողվեց այդ ասպարեզ մտնել: Նա երիտասարդներին հորդորեց՝ մասնագիտական դաշտ մտնելով՝ հավատարիմ լինել հերոս ընկերոջ պատգամներին:

Սիլվա ՍՄՅԱՆ



վերժ մնաց առաջին կուրսում...

Եվ ահա Արթուր Բաղդասարյանի ղեկավարած կուրսը որոշել էր հարգանքի տուրք մատուցել կուրսընկերոջ հիշատակին: Ներկաները ծաղիկներ խոնարհեցին համալսարանի Ալեք Մանուկյան հասցեում գտնվող մասնաշենքի բակում տեղադրված հուշաքարին:

Հնչեց «Հայր մեր»-ը, ապա Արցախյան երրորդ պատերազմում բուհի զոհված ուսանողների հիշատակին նվիրված խաչքար-հուշարձանի մոտ Ս. Թովմա քահանա Անդրեասյանը կատարեց Վոլոդյա Աբրահամյանին նվիրված հոգեհանգստի կարգ:

«Մարդկությունը շարունակում է մեղքեր գործել,-ասաց նա,-ցավովք, հայ ժողովուրդն էլ դարերի ընթացքում չի փոխվում, ավելի լավը չի դառնում, և այդ պատճառով տեղի են ունենում նահատակություններ: Ե-



ՈՒԲԲԵՆ ՍԵՒԿԸ 140 ՏԱՐԵԿԱՆ Է ԳՐՈՂԻ ՏՈՒՆ-ԹԱՆԳԱՐԱՆՈՒՄ

Այս տարի լրանում է արեւմտահայ բանաստեղծ, 1915-ի ցեղասպանության նահատակ Ռուբեն Սեւակի 140-ամյակը: Դեռևս 2013-ին Ամենայն Հայոց Կաթողիկոսի ջանքերով Մայր Աթոռ Սուրբ Էջմիածնում բացված թանգարանում փետրվարի 23-ին կազմակերպված միջոցառմանը թանգարանների և արխիվի տնօրեն Զոգեշնորի Տեր Ասողիկ արքեպիսկոպոստայանի հրավերով մերկա էին Մանկավարժական համալսարանի Հայ Ուր և Մորագույն գրականության և նրա դասավանդման մեթոդիկայի ամբիոնի պրոֆեսորադասախոսական կազմն ու բանասիրական բաժանմունքի երրորդ լսարանի ուսանողները:

Հանդիսությունը վարում էր թանգարանի տնօրեն Տեր Սեւակ քահանա Հակոբյանը:



Օրվա բանախոս պրոֆեսոր Սուրեն Դանիելյանը Ռուբեն Սեւակին անվանեց մեր բանաստեղծության պատիվը, 20-րդ դարասկզբի հայ գրականության երեսնամյակի շարքում նվիրական անուն, որի աշխարհատես ոգին մեզ հետ է: Նա մասնավորապես ծանրացավ նրա՝ Կիլիկյան աղետն արտացոլող ստեղծագործություններին, «Կարմիր գիրքը» հատորին, ցույց տվեց այն դասերը, որոնցով



գրողն այսօր էլ մնում է մեր կողքին՝ հիշեցնելով ժողովրդին ուղղված «մարդկորեն կատղելու» պատգամը:

Ելույթ ունեցավ բանասիրական գիտությունների թեկնածու Գայանե Աթանասյանը:

Գեղարվեստական հայտագրում Սեւակի բանաստեղծություններից կարդացին Գաբրիել Սունդուկյանի անվան ակադեմիական թատրոնի դերասանները, հնչեցին վոկալ կատարումներ հայ եւ օտար կոմպոզիտորներից:

Հանդիսությունն ամփոփեց եւ օրհնության խոսք ասաց Մայր Աթոռի արտաքին հարաբերությունների և արարողակարգի բաժնի տնօրեն Տեր Նաթան Արք. Հովհաննիսյանը:

Մանկավարժական համալսարանի դասախոսները և ուսանողները եղան Ս. Էջմիածնի Մայր տաճարում եւ Սուրբ Զոհիսիմե եկեղեցում:

ԱՆԻ ՄԱՐԳԱՐՅԱՆ
Բանասիրական բաժանմունքի երրորդ կուրս



ՀԱՄԱՍԱՐԱՆ-ԴՊՐՈՑ

Բարեկենդանի փունը Ավետիսյան դպրոցում

Երևանի Խորեն և Շուշանիկ Ավետիսյանների անվան կրթահամալիրում մարտի 3-ին մեծ տոնախմբությամբ նշեցին Բուն Բարեկենդանը: Ընդարձակ դահլիճի բեմը դպրոցականները զարդարեցին տոնը խորհրդանշող ծառերով, տիկնիկներով, ապա միջոցառումը վարողները ներկայացրին Բարեկենդանի տոնի խորհուրդը. «Առաջին մարդը դրախտում Տիրոջից պատվիրան ստացավ՝ դրախտում ամեն ծառի պտուղներից կարող ես ուտել, բայց բարու և չարի գիտության ծառից մի՛ կերեք»: Ամեն ծառից ուտելը խորհրդանշում է բարեկենդանը, իսկ մեկից չուտելը, որը դրախտի մեջտեղում է, խորհրդանշում է պահքը»:

Դպրոցականները ներկայացրին հայկական մշակույթի ամենագեղեցիկ ու խորհրդանշական արժեքներից հայոց ծիսական տիկնիկներին՝ ակլատիզներին, հիշեցնելով, որ նրանց միջոցով մարդիկ ձգտել են ապահովել բերք ու բարիքի առատությունը, պտղաբերությունն ու ընտանեկան հաջողությունները:

Երեխաները մատուցեցին շատ հետաքրքիր պատմություն այն մասին, որ երբ օրացույց չկար, Մեծ պատի յոթ շաբաթների փոխարեն մամիկները յոթ փետուր են խփել երդիկից կախված մի մեծ սոխի և անունը կնքել ակլատիզ, և ամեն շաբաթը լրանալիս մի փետուր են նրանից պոկել: Վերջին՝ յոթերորդ փետուրը պոկելուն պես եկել է Սուրբ Զատիկը:

կուն լարախաղաղ-փահլանը վտանգավոր, բայց գրավիչ հնարքներով հիացնում է տոնի մասնակիցներին, որը ևս ուղեկցվում է ավանդական զուռնա-դիուլով, երգ ու պարով:

Տոնն ամբողջանում է Բարեկենդանի առատ ու ճոխ հյուրասիրությամբ դպրոցի ընդարձակ սրահում՝ ուսուցիչների, ծնողների ու սովորողների ակտիվ մասնակցությամբ:

«Երեկվանից աշխարհի բոլոր քրիստոնյաները տոնում են Բուն Բարեկենդանը: Տաղավար տոնը մեծ խորհուրդ ունի բոլոր քրիստոնյաների համար, որը նախորդում է Հարությանը և Սուրբ Զատիկին», - ասաց դպրոցի տնօրեն Մելանյա Գեղամյանը:

Համադպրոցական ծրագրով տոնը նշում են դպրոցի 800-ից ավելի բոլոր աշակերտները, ուսուցիչները և ծնողները:

Մեզ հետ գրույցում դպրոցի տնօրենը փաստում է. «Ամեն տարի մեծ շուքով նշում ենք Բարեկենդանի տոնը, Ջատկական տոնավաճառ ենք կազմակերպում և 40 օրվա պահքի խորհուրդը ամրացնում երեխաների գիտակցության մեջ, որ ամեն պահ հիշեն՝ իրենք քրիստոնյա են: Հայ Առաքելական եկեղեցին կարևոր տաղավար տոներից մեկը սա է համարում, որին հետևելու է Սուրբ Հարությունը:

Մենք այս մաքրության գաղափարը



Բեմում Ուտիս տատն ու Պաս պապիկն էին՝ մեկը շերեփը ձեռքին, մյուսը՝ չոմբախն ուսին: Բուն Բարեկենդանն ավարտվում է, ահա ինչու Պաս պապը խլում է Ուտիս տատի շերեփը:

Բարեկենդանի տոնական բեմը տրամադրվում է ազգային խաղերին.

շատ կարևորվում ենք: Ցավոք այսօր մարդիկ մտածում են, որ միայն պահք պահելով է, բայց տոնի խորհուրդն ավելի մեծ է՝ լեզվին զգուշություն տալը, պարկեշտ լինելը, ավագներից հարգելը, փոքրին օգնելը: Դպրոցականների տարիքին համապատասխան փորձում ենք ներկա-



աքլորակնվում հաղթողները նրանք են, ովքեր կարողանում են պահել հավասարակշռությունը: Աքլորակնվին հաջողում է գոմշակնիվը, որն անցյալի ամենահայտնի խաղերից է:

Խաղ-կատակներով բեմն աստիճանաբար աշխուժանում է. ուրախ երգ ու պար՝ ուսուցիչ ու աշակերտ երգում ու պարում են, հարսանեկան բեմադրությունն էլ ավելի քան ոգևորում է ներկաներին, որից հետո խաղահրապարակը տրվում է լարախաղացին: Դպրոցի բա-

յացնել այս ամենը, որովհետև գլոբալիզացիայի ժամանակաշրջանում շատ կարևոր է վերածնել, պահպանել մեր ազգային արմատները: Մենք փորձում ենք մեր ազգային, մեր ծեսերն ու լավագույն տոները պահպանել ու փոխանցել սերունդներին»:

Վաղ առավոտից Ավետիսյան դպրոցում թևածող երգն ու պարը շարունակվեց մի քանի ժամ՝ տոնախմբության խորհուրդն ու բովանդակությունը սփռելով շուրջբոլոր:

Սիլվա ՄԱՐԿՅԱՆ



ՈՒՍԱՆՈՂԻ ՕՐԱԳՐԻՅ

Գ-նալ նպատակների ճանապարհով...

Դեռևս մանկուց հետաքրքրված եմ եղել երաժշտության մոլեգնող և կախարդական աշխարհով, այն աշխարհով, որտեղ խաղաղվում և գտնում ես քո հանգստությունը:

Այն շնորհը, որն այսօր ունեմ ես, Աստուծո ամենամեծ նվերն է, այն տրվել է ի վերուստ:

Ես Սյուզաննա Մկրտչյանն եմ: Չեմ դարձել, այլ հոգով ծնվել եմ երաժիշտ, երաժիշտ, որն իր տաղանդին գունարելով աշխատասիրությունը, հասնում է իր առջև դրված բոլոր նպատակներին, չնայած... ճանապարհը փշոտ և քարքարոտ է, նաև պահանջում է բավականաչափ համառություն, կամքի մեծ դրսևորում և չկտրվելու բացարձակ կարողություն:

Չորս տարեկան էի, երբ հաճախում էի Նորատուս գյուղի արվեստի դպրոցի պարային բաժին: Ուսումնառությանը զուգընթաց բացահայտվում էին երաժշտական ունակություններս:

Մի օր քրոջս նվագած մեղեդին փորձեցի ինքս կատարել, և ա՛յ քեզ հրաշք. նվագեցի ճիշտ նույն կերպ, առանց նոտաներն իմանալու: Այդ օրը վճռական եղավ ինձ բացահայտելու համար: Եվ այդպես, տասնիկիս հորդորով, մայրիկիս ուղեկցությամբ այցելեցի մեծ դպրոց, որտեղ էլ ինձ ընդունեցին դաշնամուրային բաժին:

Եվ 2009 թվականին կայացավ իմ առաջին բեմերը «Դաշնամուրի մոտ» հեռուստամախազի շրջանակներում, որտեղ կատարում էի հայտնի կոմպոզիտորների ստեղծագործություններ:

Լինելով յոթ տարեկան փոքրիկ երեխա՝ առաջին անգամ էի բեմում, առաջին անգամ էի հեռուստակերպանից ներկայանում: Տարիների ընթացքում ամրացած այդ վառ հիշողությունները անջնջելի հետք են թողել իմ մասնագիտությունն այնչափ հոգեհարազատ էր ինձ, դարձա իմ «երկրորդ տան» նվիրյալ սանը: Հաճախեցի ժողովրդական և գուսանական երգի բաժին, քանոնի և սանթուրի, սակայն այդ բոլորից անչափ հարազատը և կարևորագույնը դարձան դաշնամուրը և, իհարկե, ժողովրդական երգը, որ մինչ այսօր ուղեկցում են ինձ:

Դպրոցում իմնամյա կրթություն ստանալուց հետո ուսումնառության ճանապարհի վերջին կետերը երաժշտական ուսումնարանում, որտեղ նույնպես բարձր առաջադիմությամբ սովորում և մասնակցում էի կազմակերպվող միջոցառումներին, նաև միջազգային մրցույթ-փառատոների:

Ուսումնարանում ուսանելու տարիներին ընդունվեցի մեծանուն կոմպոզիտոր Լուսինեի Արթուր Գրիգորյանի հիմնած Հայաստանի երգի պետական թատրոն:

Թատրոնը հաջողությամբ բանալի է երիտասարդ կատարողների ձեռքում: Այն կոփում և դեպի ճիշտ ճանապարհ է ուղղորդում երաժիշտ կատարողներին, ձեռք բերած ընկերները դառնում են ընտանիք, ուսու-



ցիչները՝ անփոխարինելի խորհրդատուներ:

Ավարտելով ուսումնարանը՝ հանդես եմ եկել մեծահամերգով, կատարել ինչպես դաշնամուրային գործեր, այնպես էլ վոկալ արվեստի ճանաչված ստեղծագործություններ:

Պահպանելով արվեստի հանդեպ ունեցած իմ մեծ սերը՝ ուսումնառության ընթացքում կարողացա ամրապնդել իմ հայկական պետական մանկավարժական համալսարանում՝ հույս ունենալով և վստահ լինելով, որ այն բոլոր նպատակները, որոնք մինչ այդ չէի իրականացրել, կիրականացնեմ պրոֆեսիոնալ դասախոսական կազմի շնորհիվ:

Եվ, իսկապես, թվացյալ անհնարինը դառնում էր հնարավոր, երբ իմ կյանքի ճանապարհին հանդիպում էի այնպիսի մարդկանց, որոնք իրենց վարպետությամբ, ճիշտ խորհուրդներով իմ կյանքն ավելի հետաքրքիր և յուրահատուկ էին դարձնում: Այդ մարդկանցից է ՀՀ վաստակավոր արտիստ, պրոֆեսոր, երաժշտական կրթության ամբիոնի դասախոս Տիգրան Ավետիսյանը: Մարդ, որը գնահատեց և օգնեց ինձ՝ հասնելու իմ նվիրական երազանքներին, մարդ, ում շնորհիվ զգում էի իմ առաջընթացն անն դասընթացից հետո: Իմ ձեռքերը կոփվում, ավելի ճկուն և ամուր էին դառնում:

Համալսարան ընդունվելուն պես առաջին իսկ օրվանից ակտիվորեն մասնակցել եմ համալսարանական

բոլոր համերգներին՝ արժանանալով հանդիսատեսի, մասնագետների համակրանքին ու խրախուսանքին:

Միմյանց հաջորդում էին հաղթանակներն ու հաջողությունները:

2022 թվականից սկսած՝ մշտապես փնտրել և տեղեկացել եմ նոր ծրագրերի, առաջարկների և նորությունների մասին: Մասնակցել եմ մի շարք միջազգային մրցույթների ինչպես առկա, այնպես էլ հեռավար ձևաչափով: Մրցութային ծրագրով եղել եմ Եգիպտոսում, Կիպրոսում: Առավել նշանակալի էր այն մրցույթը, որին մասնակցեցի հեռավար ձևաչափով, և որն էլ նոր դռներ բացեց իմ առջև: Մասնակից հիսուն և ավելի դաշնակահարներ աշխարհի տարբեր երկրներից, ու նրանց կողքին զբաղեցրի առաջին պատվավոր հորիզոնականը:

Շարունակում էի դաշնամուրի մասնագիտացված վարպետության դասերը՝ առավել ամրապնդելով և խորացնելով երաժշտական գիտելիքներս, որն էլ իր հերթին ամփոփվում էր եզրափակիչ համերգով:

Այսպես կարող եմ թվարկել մի շարք իրադարձություններ, որոնք կատարվել են իմ կյանքում, որոնք ինձ կոփել, ավելի ուժեղ և նպատակասլաց են դարձրել:

ՀԲԸՄ-ն բացահայտում էր տաղանդներ, այդ շրջանակներում նույնպես ունեցել եմ ակտիվ մասնակցություն: Նշեմ, որ մրցատյանի կազմում հայտնի հայ և այլազգի դաշնակահարներ, երաժիշտներ էին: Երջադարձային էր 2024 թվականին կայացած համերգը՝ նվիրված հայ երգի մեծ վարպետ, ծովաստղիկ Ֆլորա Մարտիրոսյանին: Համերգի ընթացքում կատարում էի նրա գրեթե բոլոր բարդ երգերը: Այդ համերգն ինձ համար եղավ ինքնարտահայտման, ինքնադրսևորման միջոց, որով համակցեցի ներկաներին: Դա առիթ եղավ մասնակցելու Ֆլորա Մարտիրոսյանին նվիրված հաղորդմանը: Համերգը հիշարժան էր, տպավորիչ և իմ հիշողությունների մեջ՝ անջնջելի:

Օրեր առաջ էլ հյուրախաղերով Հայաստան էր ժամանել իտալացի դաշնակահար, պրոֆեսոր Անտոնիո Չաչիոն, որը Երևանի պետական կոնսերվատորիայում անցկացրեց վարպետաց դաս, ինչը ինձ համար նույնպես առանձնահատուկ էր: Մասնակցելով դասընթացին՝ հրավեր ստացա առանձն մասնակցելու Իտալիայում կայանալիք վարպետության դասերին, որը կամփոփվի համերգով:

Այսպիսով, իմ անցած ուղին դյուրին չի, բայց այն ինձ միայն օգնել է առաջ շարժվել, չընկճվել ու համառորեն գնալ նպատակների ճանապարհով:

Իսկ համալսարանը, որտեղ շարունակում եմ սովորել, տալիս է լայն հնարավորություններ՝ ձեռք բերելու նոր հմտություններ ու կարողություններ: Համալսարանը շարժիչ ուժ է՝ իմ մասնագիտական նպատակների հասնելու գործում:

Սյուզաննա ՄԿՐՏՉՅԱՆ

Ուսուցչի մասնագիտությունը պարզապես աշխատանք չէ...

Ես Անահիտ Դազարյանն եմ, 19 տարեկան, սովորում եմ Մանկավարժական համալսարանի Մաթեմատիկայի, ֆիզիկայի և ինֆորմատիկայի ֆակուլտետի մաթեմատիկա-ինֆորմատիկա բաժնի առաջին կուրսում:

Ծնվել և մեծացել եմ Շիրակի մարզի Արթիկ համայնքի Մեղրաշեն գյուղում, որտեղ էլ անցել եմ իմ մանկությունն ու դպրոցական տարիները: Գյուղի դպրոցը ոչ միայն դարձել է կրթությանս հիմքը, այլև մեծապես նպաստել է իմ անձի ձևավորմանը՝ ձևավորելով նպատակներս ու տալով առաջին փորձառությունները:

Ավարտական դասարաններում, երբ պետք է ընտրելի ապագա մասնագիտությունս, դեռ հստակ պատկերացում չուների մասնագիտական կողմնորոշման մասին: Ուսուցիչներս հաճախ էին հարցնում՝ արդյո՞ք ինձ տեսնում են ուսուցչուհու դերում, բայց այդ ժամանակ մանկավարժությունը թվում էր չափազանց բարդ և պատասխանատու ոլորտ: Կարծում էի, որ այն պարզապես ինձ չէ: Ուստի, երբ ինձ հարցնում էին՝ կցանկանա՞մ արդյոք ուսուցիչ դառնալ, իմ պատասխանը «ոչ»-ն էր:

Սակայն, ինչպես հաճախ պատահում է կյանքում, մեր պատկերացումները փոփոխվում են: Երբ ընդունվեցի Մանկավարժական համալսարան, սկսեցի աստիճանաբար գիտակցել, որ իմ ընտրությունը պատահական չէր: Հասկանում էի, որ ուսուցչի աշխատանքը միայն գիտելիք փոխանցելը չէ. դա ավելի լայն ու

կարևոր առաքելություն է՝ սերունդների կրթություն, նրանց տրամաբանական մտածողության, վերլուծական ունակությունների և արժեքային համակարգի ձևավորում:

Իմ որոշման վրա մեծ ազդեցություն են ունեցել ծնողներս և հարազատներս: Մայրիկս և մանկավարժ է, իսկ մորեղբորս կինը՝ մաթեմատիկայի ուսուցչուհի: Նրանց խորհուրդներն ու աջակցությունն ինձ համար առանցքային նշանակություն ունեցան մասնագիտության ընտրության հարցում: Բացի այդ, ես ինքս սկսեցի հասկանալ, որ որակյալ մանկավարժների կարիքը մեծ է, հատկապես՝ մաթեմատիկայի բնագավառում: Ու եթե ես կարող եմ իմ ներդրումն ունենալ այս ոլորտում, ինչո՞ւ չանել դա: Այս գիտակցումն ավելի ամրապնդեց իմ որոշումը:

Այսօր ես լիովին գիտակցում եմ, որ ուսուցչի մասնագիտությունը պարզապես աշխատանք չէ, այլ կոչում, նվիրում ու անսահման սեր դեպի կրթությունն ու գիտելիքը: Այն հնարավորություն է տալիս ոչ միայն սովորեցնել, այլև սովորել, աճել և ձևավորել ապագան: Ու հիմա, երբ հետ եմ նայում, հասկանում եմ՝ ես ճիշտ ընտրություն եմ կատարել:

Անահիտ ԴԱԶԱՐՅԱՆ
Մաթեմատիկայի, ֆիզիկայի և ինֆորմատիկայի ֆակուլտետի մաթեմատիկա-ինֆորմատիկա բաժնի 1-ին կուրս





Ավարտական կուրսում նորովի են իմաստավորվում փորձառությունները



Ես Աստղիկն եմ, սովորում եմ Կենսաբանության, քիմիայի և աշխարհագրության ֆակուլտետի աշխարհագրության բաժնի 4-րդ կուրսում: Մասնագիտությունը, որը ես ընտրել եմ, շատ հետաքրքիր է, քանի որ աշխարհագրությունը չնչակված խնդիրների բազմաթիվ լուծումներ է տալիս՝ կապված տարածքների զարգացման, բնական ռեսուրսների օգտագործման և շրջակա միջավայրի պահպանման հետ: Այդ ամենը անհամեմատելի մեծ դեր ունի մարդու կյանքում ու զարգացման մեջ:

Այս բաժնում սովորելը հնարավորություն է տալիս խորությամբ ուսումնասիրել երկրաբանություն, կլիմայական փոփոխությունների, ինչպես նաև մարդկային գործունեության ազդեցությունը բնության վրա: Իմ ուսանողական ծանապարհը լի է նոր բացահայտումներով և անհավատալի փորձառություններով, նպատակս՝ խորացնել իմ գիտելիքները, համատեղել դրանք պրակտիկ գործունեության հետ:

Մանկավարժի մասնագիտությունն անչափ կարևոր ու պատասխանատու աշխատանք է, որի հիմքում ոչ միայն գիտելիքների փոխանցումն է, այլև կրթական արժեքների ձևավորումը: Ուստի, ես բարձր եմ գնահատում մանկավարժի որակավորումը՝ հասկանալով, որ այն տևական կրթական ուղու և պատրաստության արդյունք է: Մանկավարժը պետք է ունենա ոչ միայն խոր մասնագիտական գիտելիքներ, այլև լավ զարգացած հաղորդակցման և մարդասիրական հատկանիշներ, որոնք թույլ են տալիս արդյունավետ կերպով մոտենալ յուրաքանչյուր ուսանողի:

Մանկավարժի որակավորումը գնահատելը կարևոր է: Երբ ուսուցիչը ունենում է բարձր մասնագիտական մակարդակ, նրա դասավանդած նյութը դառնում է ավելի հասանելի, հետաքրքիր և արդյունավետ: Նա կարող է համագործակցել աշակերտների հետ, ստեղծելով այնպիսի մթնոլորտ, որտեղ յուրաքանչյուր աշակերտ կզգա անհատական ուշադրություն և աջակցություն:

Բարձր որակավորումն ուսուցչին հնարավորություն է տալիս հաջողությամբ իրականացնել իր հիմնական գործառնությունները՝ օգնելով աշակերտներին հասնել ուսման բարձր արդյունքների, ինքնուրույն մտածողություն ունենալ:

Լինելով ավարտական կուրսում՝ ես վայելում եմ համալսարանական յուրաքանչյուր օրը, քանի որ հասկանում եմ, թե որքան կարևոր են այս վերջին տարիները իմ կրթական ուղու համար: Այս փուլում արդեն զգում եմ, որ ուսման ողջ ընթացքում կուտակած գիտելիքներս և հմտություններն ու փորձը, որոնք ձեռք են

բերել, պատրաստում եմ ինձ՝ իրական աշխարհում ինքնուրույն քայլեր կատարելու: Ավարտական կուրսում լինելը նաև մի տեսակ հեռավորության զգացողություն է առաջացնում՝ միաժամանակ կյանքի հաջորդ փուլին պատրաստվելու անհանգիստ ու խթանող սպասումով:

Համալսարանական օրերն այլևս վերածվել են իրար հաջորդող փորձառությունների ու հնարավորությունների շարանի՝ սկսած տարբեր դասերից մինչև անհատական նախագծերի ու խմբային աշխատանքների միջոցով ձեռք բերված նոր գիտելիքներ: Այս փուլում յուրաքանչյուր համոզիչ արդյունք, դաս, քննարկում, նույնիսկ դժվարություններն ու մարտահրավերներն ունեն իրենց նշանակությունը, քանի որ դրանք պատրաստում են ինձ ապագայի համար:

Միևնույն ժամանակ, ավարտական կուրսում ուսումնասիրություններն ու փորձառությունները իմաստավորվում են՝ հատկապես երբ գիտակցում եմ, որ դրանցով ոչ միայն դառնալու եմ մասնագետ, այլև ձևավորելու եմ իմ ապագան՝ իմ ընտրած ոլորտում: Այս ընթացքում վայելում եմ այն բոլոր հնարավորությունները, որոնք տալիս է համալսարանական կյանքը, քանի որ մոտենում եմ մի նշանակալի նպատակակետի, որտեղ շարունակելու եմ աճել ու զարգանալ:

Միջոցով եմ ուսանողական խորհուրդը, քանի որ այն լայն հնարավորություններ է սկիզբ է, որը թույլ է տալիս զարգացնել իմ խոհացանկը, ճանաչել նոր մարդկանց և ստեղծել արժեքավոր կապեր: Ուսանողական խորհուրդը, լինելով համալսարանական կյանքի կարևոր մաս, ստեղծում է այնպիսի միջավայր, որտեղ կարող եմ ակտիվորեն ներգրավվել տարբեր միջոցառումների, նախաձեռնությունների և նախագծերի կազմակերպման մեջ: Այս գործունեությունն ինձ տալիս է մի շարք կարևոր հմտություններ՝ պատասխանատվություն, ղեկավարում, կազմակերպչական աշխատանք, թիմում համագործակցություն և ընդհանուր գործերի կառավարման կարողություններ:

Ուսանողական խորհուրդը, լինելով ուսանողական համայնքի մի մաս, բացում է դռներ այնպիսի հնարավորությունների առաջ, որոնք չեն սահմանափակվում միայն ակադեմիական ոլորտով: Դա նաև հնարավորություն է տալու մասնակցել համալսարանական կյանքը ձևավորող նախաձեռնությունների, այդ թվում՝ սոցիալական, մշակութային և կրթական ծրագրերի իրականացմանը: Մասնակցելով խորհրդի գործունեությանը՝ ես ոչ միայն ամրապնդում եմ իմ մասնագիտական կողմերը, այլև սերտում եմ այնպիսի արժեքներ, որոնք կարևոր են անենահաջողակ առաջնորդի համար՝ հասարակական ակտիվություն, մտավոր զարգացման ու թիմային աշխատանք:

Ավելին, ուսանողական խորհուրդը նաև ձևավորում է այնպիսի միջավայր, որտեղ կարող եմ բացահայտել իմ հետաքրքրությունները, փորձարկել նոր գաղափարներ և ստանալ իրական փորձ, որն անչափ կարևոր կլինի ապագայի աշխատանքի շուկայում: Սա ոչ միայն բարձրացնում է իմ գիտելիքներն ու հմտությունները, այլև ոգեշնչում է զարգացնելու առաջընթացի համար անհրաժեշտ հավատն ու վստահությունը:

Աստղիկ ՀԱՐՈՒԹՅՈՒՆՅԱՆ
Կենսաբանության, քիմիայի և աշխարհագրության ֆակուլտետի աշխարհագրության բաժնի 4-րդ կուրս

ՀԱՅՐԵՆԻ-ՍՓՅՈՒՌ



Հայապահպանության դասեր

Փետրվարին ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցը հազեցած էր հերթական բաց դասերով՝ նվիրված Գիրք նվիրելու միջազգային օրվան (աշխարհում նշվում է փետրվարի 14-ին, իսկ Հայաստանում՝ փետրվարի 19-ին)՝ նվիրված հայոց մեծ բանաստեղծ Հովհաննես Թումանյանի ծննդյան օրվան) և Մայրենի լեզվի միջազգային օր (հաստատվել է 1999 թ. ՅՈՒՆԵՍԿՕ-ի կողմից և նշվում է փետրվարի 21-ին, իսկ Հայաստանում պետական մակարդակով՝ 2006 թվականից):

Այս դասերի շրջանակներում պատմական մի յուրահատուկ էքսկուրս կատարվեց Մաշտոցի ոսկեդարյան ժամանակաշրջանից մինչև հայ նոր գրականության հիմնադիր Խ. Աբովյանի լուսավորչական գործունեությունը, խոսվեց հայ գրականության անկյունաքարերի մասին, մասնավորապես՝ վիպագիրներ Բաֆֆի, Մուրացան, Դ. Դեմիրճյան...

կի ու եղ. Հովհաննիսյանի «Երեբունի-Երևանի», Սարգսյանի ու Ռ. Ամիրխանյանի «Հայի աչքերի» և, իհարկե, առանց ՀՀ օրհներգի, գրված Բ.Կանաչյանի կողմից մեծանուն բանաստեղծ Մ. Նալբանդյանի խոսքերի հիման վրա:

Հատկանշական է, որ հայկական հիմնի հեղինակը, ինչպես նաև հայ մտավորականներ Ս. Շահազիզը, Մ. Էմինը, Վ. Տերյանը, Ալ. Մյասնիկյանը եղել են Լազարյան ճեմարանի տարբեր տարիների շրջանավարտներ և հետագայում դարձել հայտնի գրողներ, արևելագետներ, հասարակական գործիչներ:

Ի դեպ, Ալ. Պուշկինը, Ալ. Գրիբայե-րովը, Լև Տոլստոյը, Կ. Ստամիլավսկին, Իվ. Տուրգենևը նույնպես եղել են Լազարյան ճեմարանում (ներկայումս ՌԴ-ում ՀՀ դեսպանության շենքում): Ուստի դպրոցի սաները շատ լավ պատկերացում են, որ այսօր միգրացե մատում են այն տեղը, սովորում են այն դասաստեղծակներում, որտեղ նախկինում եղել են երկու



Յուրօրինակ ձևով ներկայացվեց հայ բանաստեղծների քնարերգությունը: Այս դասերն առավել հատկանշական էին ծնողների համար, որոնք հնարավորություն ունեցան իրենց զավակների հետ ընթերցել հայ մեծ բանաստեղծների՝ Հ. Թումանյանի և Ավ. Իսահակյանի, Հ. Շիրազի և Վ. Տերյանի, Պ. Սևակի և Ս. Կապուտիկյանի, Հ. Սահյանի և Ն. Ջալալյանի բանաստեղծությունները՝ նվիրված հայոց լեզվին, հայրենիքին, հայապահպանությանը:

Անդրադարձ եղավ նաև այն երգերին, որոնք տարբեր ժամանակներում գրվել են մեծ վարպետների խոսքերով և ակամայից դիպչում են յուրաքանչյուր հայի հոգու ելևէջներին: Ամենար է պատկերացնել որևէ միջոցառում առանց Կոմիտասի ու Հ. Թումանյանի «Կաքավիկի», Պ. Սևա-

ազգերի մեծ հանճարները: Այս փոքր ճամփորդությունը հայ գրականության սաղարթափստ էջերով հիացրեց թե՛ դպրոցի սաներին, թե՛ նրանց ծնողներին, որոնց մի մասը վերապրեց դպրոցական տարիների գրականության դասերը մայր հայրենիքում:

Ծնողները օտար հողում վերաբժարեցին մեծ վարպետների խոսքերը և հիմա զգում են պատասխանատվության զգացում իրենց զավակների առջև: Ուստի դախիճում և դասարաններում տիրում էր հուզական մթնոլորտ, մերթնդմեթ՝ խորը լռություն: Լուռ էին նույնիսկ անենափոքրիկ սաները, երկի թե մտորում էին իրենց մաքուր հոգու ջինջ աշխարհում:

ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոց



ՀԵՏԱԲԵՐՔԻՐ ԴԱՄԱԽՈՍՈՒԹՅՈՒՆՆԵՐ



Կենսաբանության, քիմիայի և աշխարհագրության ֆակուլտետի պրոֆեսորադասախոսական կազմի և ուսանողների համար մարտի 4-ին Մանկավարժական համալսարանում դասախոսություններով հանդես եկավ կենսաբանական գիտությունների թեկնածու Արևիկ Մինասյանը (Founder of X Theory): Նա ներկայացրեց «Խելացի սնունդը որպես երկարակեցության գրավական», «Ապագա թվային հեղափոխությունն այստեղ է. ինչպես հաջողության հասնել LinkedIn-ի հետ» թեմաները:

Կենսաբանության, քիմիայի և աշխարհագրության ֆակուլտետի դեկան Սիրինե Շողերյանը ներկայացրեց բանախոսին և նրա մասնագիտական գործունեության ոլորտները, մի շարք համալսարաններում դասավանդելու շարժընթացը (Լայբնից-Քաղցրահամ ջրերի էկոլոգիայի և ներքին ծննդաբանության ինստիտուտ, Բեռլին, Գերմանիա, Գեյմինգի շրջակա միջավայրի հետազոտությունների կենտրոն, Լայպցիգ, Գերմանիա, EAWAG, Շվեյցարիայի ջրային գիտության և տեխնոլոգիաների դաշնային ինստիտուտ, Դյուբենդորֆ, Շվեյցարիա, Մյունխենի Լյուդվիգ-Մաք-

յան նպատակն էր՝ փորձել օգնել մարդկանց, որ նրանք լինեն ոչ թե սոսկ սոցցանցերի օգտածործող, այլ օգտվել դրանք ստեղծելու մեթոդային հնարավորություններից. խոսքը վերաբերում էր LinkedIn առաջատար բիզնես հարթակին:

Մասնագիտությամբ կենսաբան Արևիկը նաև սովորել է արտերկրում, վերապատրաստվել տարբեր մասնագիտական ուղղություններով, երկար տարիներ աշխատել է Եվրոպայում և Ամերիկայում:

Այսօր մարդու կյանքի միջին տևողությունը 70-75 է, մինչդեռ գիտնականները պնդում են, որ մարդը կարող է ապրել 150 տարի, միայն թե նա պետք է ճշտորեն հետևի երկարակեցության 4 ֆորմուլային՝ ֆիզիկական ծանրաբեռնվածություն, մտավոր աշխատանք, ճիշտ սննդակարգ և սթրեսի կառավարում:

Արևիկ Մինասյանի ներկայացրած աշխարհի գիտնականների պնդումները մեծ աշխուժություն առաջացրին դաիլիճում ներկա գտնվողների շրջանում՝ սթրեսը բերում է ներքին բորբոքումների, կառավարվող սթրեսներն օգտակար



սիմիլյան համալսարան, Ինսբրուկի համալսարան, Ավստրիա, Օբերնի համալսարան, ԱՄՆ, UCSD - Կալիֆորնիայի համալսարան, Սան Դիեգո):

ԵՊՀ-ի կենսաբանության բաժնի շրջանավարտ Արևիկ Մինասյանը, որ ապրում է Մայամիում, արտերկրում գործունեություն ծավալում, ասաց, որ իր դասախոսության նպատակը գիտելիք հաղորդելը չէ, այլ օգնել պրակտիկայում ինչպես կիրառել գիտելիքը:

Արևիկ Մինասյանի առաջին դասախոսությունը վերաբերում էր մարդու երկարակեցության հնարավորության բացահայտմանը, երկրորդ դասախոսությամբ

են, ինչու և ինչպես պահպանել ցողունային բջիջները, եթե ներբջջային կառուցվածքը շատ է փոխվում, բջիջներն այլևս չեն կարողանում պայքարել, սննդային վտանգը միմիմալի հասցնելու անհրաժեշտությունը, երջանկության ֆորմուլան՝ սթրեսադիմացկունության դիսպազոնի օգտագործմամբ հաճույք ստանալն է, աշխարհում չկան գեներտիկ հիվանդություններ և այլն:

Բանախոսն ակտիվ երկխոսության մեջ մտավ լսարանում ներկա գտնվողների հետ, պատասխանեց նրանց հարցերին:

Սիլվա ԱՍՐՅԱՆ

Հանդիպում Վրեժ Միքայելյանի հետ

Ուսանողական գիտական ընկերությունը նախաձեռնել է սեմինար-քննարկումների շարք: Հերթական նախաձեռնությունը «Թվային մարդը» հանդիպումն էր: Մանկավարժական համալսարանում էր «Բազումը» տիեզերական հետազոտությունների լաբորատորիայի ինժեներ, «ԹՈՒՄՈ» ստեղծարար տեխնոլոգիաների աշխատակից Վրեժ Միքայելյանը:

«Արհեստական բանականությունը կրթության և գիտության ոլորտում» թեմայով ինտերակտիվ հանդիպման ընթացքում բանախոսն անդրադարձավ համակարգի գործածմանը, խոսեց դրա առաջարկած հնարավորությունների և առավելությունների մասին:

Հավելելով, որ Վրեժ Միքայելյանը մասնակցել է 2022 թվականին «Հայաստա-1» հայրենական առաջին տիեզերական արբանյակի ստեղծմանը, ինչի մասին ևս խոսեց ուսանողների հետ՝ ներկայացնելով արբանյակի՝ տիեզերք արձակելու երկար սպասված իրադարձությունը:



Ներկաները հանդիպման ընթացքում խոսեցին արհեստական բանականության կարևորության ու տիեզերքում նրա կիրառման մասին: Վրեժ Միքայելյանն էլ ներկայացրեց տիեզերական արբանյակի գործածումը հետագա արբանյակների նախագծման փուլում, այլ տարածքներում կյանքներ փնտրելու և ուսումնասիրությունների շրջանակում:


Լույս է տեսել

Լույս է տեսել Չուբարյանական գիտաժողովի զեկուցումների ժողովածուն, որի առաջաբանի հեղինակը և մասնագիտական խմբագիրը Գագիկ Սուքիասյանն է:

Ժողովածուն ընդգրկում է կրթության, գիտության և գործնական ոլորտներին վերաբերող կարևոր հարցեր՝ կապված գրադարանագիտության, մատենագիտության ու գրքագիտության ժամանակակից զարգացումների հետ:

Հոդվածների ժողովածուն նախատեսված է «Գրադարանային-տեղեկատվական աղբյուրներ» բաժնի դասախոսների, ուսանողների, ինչպես նաև գրադարանային գործով, մատենագիտությամբ, գրքի («փաստաթղթի») պատմությամբ ու մշակույթի հարցերով զբաղվող մասնագետների համար՝ Հայաստանում և Սփյուռքում:

Ժողովածուն կարող է օգտակար աղբյուր հանդիսանալ նաև տեղեկատվական,



սոցիալ-հաղորդակցական, ընթերցողների գրադարանային սպասարկման ու մանկավարժահոգեբանական նոր ուսումնասիրությունների համար:

